

S. VIII. 33.

19
IN OBITUM BEATUM, SED
PRÆMATURUM

Matronæ honoratissimæ & primariæ,

SOPHIÆ CAMERARIÆ,

Clarissimi, Amplissimi & Consulti Viri

DN. THEODORI PLONNIES


J. U. D. Illust. Aulæ ac Consistorij Stetinenlis Cons
filiarij, nec non Ecclesiæ Cathedralis & Ill. Pædago
gij ibid. Capitularis & Provisoris
dignissimi,

Conjūgis longè charissimæ,

*Quæ felici partu IX. Septemb. liberata placidissimè ex
spiravit X. ejusdem, humanda ejusd. XV,*

suspiria

Quorundam Studioforum Oppi
danorum συµπαῖον.



S T E T I N I,

*Typis Rhetianis, per Iohannem Christophorum
Landtrachtingerum.*

Anno
M. DC. XIV,

DR. THEODORE PLONNIES

Phragmites communis L.

Ad Clariss. & Consul. Virum Dn. D. Theod. Plonnius So-
phix Costæ suæ desideratissimæ obitum præmatu-
rum acerbissimè lugentem.



*Ima tibi titulum Rosa designavit honoris,
Atq. comam cinxit rubra tiara tuam.
Consilij promum te dein Ducis aula vocavit,
Vestiri vexâ quâ solet ipsa Themis.*

*Nunc, eheu! Caræ defles pia busta maritæ,
Et fers atratæ spineaserta crucis.
Maçte mitris singlis, tripliciq. vir ample, corona,
Christjano fuerat non satis unâ tibi.
Quod si mens invicta malo hoc patienter orabit,
Urseris & cæptam cum pietate fidem.
Immarseßibilis tandem, & sic quarta sequetur,
Ornabitq. tuum cælicorona caput.*

Aliud ad Eundem.

*Est Theodore tibi Dorothea filia nata,
Et quoq. denata est cara marita tibi.
Illam a Iova dedit; sed ei banc Jova abstulit idem,
b Et bene cuncta tamen fecit Iova simul.
Ergo ne plora potius pæana Jehovæ
Dicito, cumq. Jobo, c sis benedicta, cane,
ô Sacrosancta trias! tua dextera singula novit
In melius famulo vertere, (verte!) tuo.*

a Iob. 1. v. 21. b Marc. 7. v. 36. c Iob ut s. d. 77. v. 11.

Solatioli loco

συμπάδει; adjiciebam Ioach. Lizovius Rup. March.

A 2

Dant na.

DAnt natis lucem matres, sed luce carentes
Ipse coguntur spicula obire necis.
Esse quid hoc dicam? quidve hæc portenta figurant?
Quid sit & hoc dicam, quidve figuret, habe.
Numinis irati signum est: occurrite flentes,
Et Christo flentes oscula sancta date.
Custodes legum, ingenuis & matribus omnes,
Nati, non matres, tollite scorta, viri;
Aut Deus ex radice ima ruet, eruet omnes,
Irato occurrat quilibet ergo Deo.

Nicolaus Pompejus Lusat, Golsensis.

Quod, vir clare, salum tua non secat amplius uxor,
In portu sed jam navigat, inq; vado;
Exors militie quod nunc in pace triumphat,
Floreq; cuncta comas Entheo, honora sedet;
Ad metam cursu confecto quod modo fixam
Aspiravit, & hinc nacta brabeon ovat;
Ædepol id plausum, non planctum jure meretur,
Non dignum hoc Elego, sed magis Elogio.
Sistito quin igitur, lachrymarum sistito fontes,
Singultusq; tuo corde, jubeto, ruant:
Et gratare ipsi potius de sorte potitâ,
Utq; fruatur eâ jugiter ipsa, jube.

Matthias Lizovius Rupp, March.

Quid

Quid tuæ tantis obitum maritæ,
Doctor insignis, lacrymis quietum
Asperum reddis tibi? quid dolore
Teq; fatigas?

Nil facis: vitæ meliora fata
Invides saltèm melioris illi,
Et Dei contra placitum benigni
Arma capellis.

Namq; non sanè Physicò necata
Jure duntaxat tua Juno, dīvo
Sed magis fato hinc revocata; vivit,
Eccè! beatè.

Eccè! tranquillo fruitur triumpho,
Et sibi gaudet, tibi gratulatur
De suâ vitâ meliore, læto
Deq; triumpho.

Utere hâc contra lacrymas medelâ,
Doctor insignis, qverulo modumq;
Pone tormento; modus hôc gravi te
Fasce levabit.

Hieronymus Voltersdorffius
Lucho-vio-Luneburg.

A 3

Ceu

Ceu tener in medio defloret flosculus ævo,
Quem violans nimio Sirius igne necat:
Sic & Apollonij dilecta marita mariti
Morborum flammis ab! violata cadis.
Sed cadis, ut surgas scandasq; theatra beata,
Sic cadis, ut capias tanta theatra. Vale!

Jacobus Brandenburgus Rupino-Marchicus,

Quid sibi vult gemitus? quid mœstus plangor in
Sunt fortè ingentis tristitia signa mali? (urbe,
Sic certè est: Mulier claro de stemmate nata
Ecce puerperio proh dolor hæce perit!
Heu Parcæ duræ non vobis mica pudoris,
Dum docti uxorem tollitis hinccè viri!
Hujus non vos Gnatarum suspiria, planctus,
Non querulæ voces, nec pia verba movent.
O Parcæ immites, sævæ nimis atq; feroces,
Quòd rapitis cunctos perpete falce procul,
Flebilis est res: sed Mors hæc quia janua vitæ
Æternæ, nunc quid flere, dolere juvat?
Hæc etenim nacta est vitam pro morte beatam,
Cum Domino verè coelica regna tenet.
Vos igitur Gnata, nec non Clarissime DOCTOR,
Ponite nunc lachrymis ora rigare pijs.

Candol. ergò scribebat Daniel Wasserfuhrer S. P.
Vita quid

Vita quid est hominum? labor est: Ubi carpimus auras
Vitales, præstò sunt labor atq; dolor,
Pallida mox squalent exangui corpora morbo,
Mox animos hominum mille pericla premunt,
Mox mala; quæ eveniunt, arrodunt pectora, curæ
Mox tanquam stimuli faucia corda terunt.
Regnat in his terris nummorum foeda cupido,
Ex quâ; ceu constat, probra nefanda fluunt,
Regnant in terris perjuria, furta, rapinæ;
Regnant in terris insidiæ atq; doli.
Regnat in his terris trux, regnant jurgia, cades;
Regnat & hic veri nescia turba Dei.
O nimium felix, ô terq; quaterq; beatus,
In Domino placidâ qui modò morte perit!
Iccircò, Doctor, Costâ private fideli,
Desine jam lacrymis contaminare genas.
Nam tua costa fugit mala mille, & mille pericla;
Cernit & Elysæ regna beata plagæ.

Condolentiæ attestandæ ergò addebam

Philippus Rhetius.

IN solitas vires nostrum tinctura palatum
Pimplæi fontis decolor unda fluat,
Atq; vel in veteres prorsus recidiva meatus
Arida destituat littora & ora simul.
Altera quippe Venus, Juno altera & altera Pallas
Mortua, Apolloniæ spes columenq; domus:
Hei dolor! heilacrymæ! dum prolem enixa fatiscit,
Dum pleno ætatis flore venusta miter,
Exanimem matres matrem lugete futuri
Ignaræ; Hæc quod enim, qualibet esse potest, Vc-

Verum plura negat fons, sentio, siccus, anhelâ,
Hæc siti fauces percoquor & raceo.

Condolens scribebam Laurentius Kleist.

In genus humanum toties cur spicula jactas,
O mors? cur toties corpora falce necas?
Non tibi, dum sævis, juvenilia tempora curæ,
Non tibi discrimen stemmatis atq; loci.
Tu non Heroas metuis, sævamq; Mavortis
Prolem; nec Regum grandia colla times.
Corpora seu juvenum, seu longâ etate gravatùm,
Seu formosorum pestifero ense necas.
Nec non vincla tori solvis, quæ struxerat olim
In Paradisiacis vallibus ipse Deus.
Egregiam laudem, spoliūq; insigne tenebis,
In miseros homines quæ male sana furis!
Corpora morte secas, obtruncas corpora: Verum
Mens manet immitti non peritura nece.
Tellus ossa tegit, placidisq; in morte quiescunt
Sedibus: at pia mens ad supera astra volat.
Ad supera astra volat pia mens. Baccharier ergo
Desine Mors: Etenim non tibi præda venit.
Christus habet mentem, divinò nectare Christus
Pascit eam: quare non tibi præda venit.
Christus conjunget tandem cum corpore mentem,
Limina cælorum totus ut intret homo.

Συμπράξεις γεννα ἀππονέbam.

Franciscus Mafius Prentzloa-Marchicus.

ALIUD.

A L I V D.

Bulla misella sumus, tecum pervolvito corde,
Quisquis ades, verum est, bulla misella sumus.

*Bulla misella sumus, finisq, ab origine pendet,
 Nascimur & morimur, bulla misella sumus.*

*Bulla misella sumus, pauci longissima secla
 Attingunt vite, bulla misella sumus.*

*Bulla misella sumus, si totum conspicias orbem,
 Nil nisi triste vides, bulla misella sumus.*

*Ite per exemplum, quaeso, virtutibus aucta
 Matrona, quae mox occidit ante diem,*

*Quae vicit, veluti flumen Marpesia cautes,
 Foemellas multas relligione piâ,*

*Heu jacet! heu tacet! heu Christum pietate fideq,
 Quae coluit verâ, nunc tacet atq, jacet.*

*Heu ruit, heu fuit, heu, cheu! quam candida Virtus,
 Quam gemit, ecce, Fides, nunc ruit atq, fuit.*

*Heu ruit, heu fuit, heu tacet, heu jacet! ecce modesta
 Quam deflet probitas, simplicitasq, gemit.*

*Ast quid? Bulla misella sumus, sunt terror & angor
 Luctusq, in mundo, bulla misella sumus.*

*Quare Iuridice jaspis, clarissime Doctor,
 Ingeminare modos desine luctifonos.*


B

Chara-

*Chara tuō cordi, morti data, mortua non est,
In requi Domini vivit & arce poli.
Tempus erit, quod vos iterum conjunget amantes,
Atq; dabit vobis Luce perennè frui.*

Suspirans lugebat.

*Michael Grunebandus Prentzloâ
Marchiacus.*


Dulcia poma cadunt altis pendentia ramis,
In servire usu jamque volunt alijs.
Intereâ rami tristantur & hinc viduantur,
Iam foliis charis dum spoliantur ij.
Per Brumam grandi ventorum mole gravantur;
Et pluviis multis hi sine fine madent.
Nec sola hæc humeris, sint pondera maxima quamvis,
Imponunt, etiam sed mala multa suis.
Hæc licet adversæ fortunæ tela, libenter
Attamen accipiunt, & patiuntur idem.
Sustentat namq; hos dum spes certissima semper,
Æstas quod solito sit reditura pede;
Quâ foliorum iterum viridi decorantur amictu,
Iucundis pomis, ut fuit antè, scatent.
Iam velut ergò agitur cum ramis & quoq; pomis,
(Quæ repræsentant glutina conjugij)

Sic

Sic agitur pariter, vir præstantissime, tecum :
Quod verum, hoc oculis aspicias ipse tuis.
Nam sicut cumulus foliorum decedit ingens,
Qui conjuncta sibi dulcia poma tenet ?
Sic amor ille cadit florens, sic chara maria,
Firmè instar pomi quæ tibi juncta fuit.
Iam te relinquit postremum jam VALE dixit
Iam meliore cupit conditione frui.
Instar adhuc ramî, vitali vesceris aurâ,
Cogeris hunc tristi mente videre obitum.
Interea jam tu viduaris, tristis es idem,
Semper & assiduâ imbris ora rigas.
Sed modus est semper servandus, cum Deus adstet,
Qui rursus ramis jungere poma potest.
Hic tulit, hic donare potest ætate maritam
Talem, quæq; fiet moribus apta tuis.

apposui

Rûgerus jux Horst.

Tristia nunc rursus turbarum semina spargis
Parcarum suâsu, fors inimica, fero ?
Solstitialis enim paulisper ut herbula cuncti
Quod sumus, exemplo denotat illa suo.

B 2

Prob

*Proh dolor! in cuius nunc turba operata Camenis
Funus conscripsit tristia metrapium.
Ecce maritali sociatus fœdere Doctor
Plangit cui fletu lumina lassa tument.
Pignora chara thori blaso quoq; murmure luctus
Testantur, matrem sapè ciendo suam.
Et sua quæ nondum dedicit discernere verba
Infans, impressum dicere Mamma cupit.
Onimium vestra est injusta potentia Parca,
Quas penes est Vitam reddere, ferre Necem.
Nam nova quæ vestrum vix stamina duxerat u-
Alterius mox sunt illa resecta manu. (na.
Illa Sibyllinos condigna ut viveret annos,
Matrona egregijs dotibus aucta, fuit.
Ut digitos etenim novit, sic ordine Psalmos
Davidicos, jussu scripsit ut ille Dei.
At sic servâstis solemnia nempe sorores,
Illa quibus multum nomina vestra cluant..
Hac tamen æterna cœlestia gaudia Vite
Percipit angelico consociata choro.*

Condolentiæ ergò apponebat

*Martinus Rüdemannus Friber-
gâ-Myfus.*

COpula cōjugij quot quātaq; gaudia portet,
Non opus est dictu, res manifesta satis.
Ruptio conjugij luctus quot pondera portet,
Nūc viduo constat certius ecce tibi.
Certius est: quoniā cordis pars altera dempta,
Demptaq;, prōh; vitæ fida columna tuæ.
Dempta est: nec tetrici repetet ludibria Mundi
Quin mage præcedens te petet insequier.
Quod cupit, hoc olim fiet. Tu fido lova,
Hic etiam viduis novit adesse viris.

Condolentia ergo adponebat.

Iacob à Rāmmis N.M.

~~~~~  
**I**N lacrymas nimum, Doctor clarissime, noli  
Ire, licet centum sint tibi dicta *VALE*:  
Sint tibi dicta *VALE*, cum conjux fida dolore  
Victa furente, poli candida tecta subit.  
Sic Numen voluit, quod, quam dedit antè, maritā  
Reppetit, & patriæ in mœnia vera locat.  
Non ergo invidas: magis hinc sic fare: sequemur  
Iungemurq; animis, ære sonante, *VALE*.

Christianus Fidēlis, Rupino  
Marchicus




N<sup>U</sup>lla salus Mundo, sed cœlo mille, bonorum  
Hoc Thassus, cuncti lerna sed iste mali.  
Nulla quies Mundo, sed cœlo multa; laborum  
Is pelagus, tutus portus at hocce pijs.  
Ergo felices, quibus his Valedicere Mundi  
Immundi turbis, omnigenisq; malis,  
Nec non in cœli sine fine quiescere portu.  
Omnigenâq; frui prosperitate datur.  
His cum nunc lætè, letho defuncta fruatur  
Quis non felicem dicere vellet Eam?  
Quis vero factam felicem plangere vellet,  
Flere decet miserorum atq; dolere vices.  
Quin potius gratemur Ei, cum morte quod ipsi  
Alma quies venit, cumq; quiete salus.

*Heinricus Schuvalenbergius Sedino  
Pomeranus.*


F I N I S.















921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VII.33



